

Marlon Croes di DOW:

Ta spera cu e siman aki documentonan pa destaho pa por basha Bushiri Hotel abao lo ta cla



Den e caso aki Gobierno por busca un arkitekto di pafo, of e ta pidi DOW haci un diseño riba e espacio publico aki. Den esey tin e filosofia y bista riba dje, pero tin cu bay present'e na gobierno y muy probable mente nan lo tin un otro vision di un arkitekto local. pero pafo di DOW.

ORANJESTAD (AAN): Marlon Croes, director di DOW a splica cu ainda ta combersando riba e desaroyo di e area di Bushiri Hotel.

El a splica cu conseho di minister a tuma su decision algun siman pasa, a base di un conseho cu un comision Bushiri Hotel a traha y e conseho ta bisa pa miho ta bash'e abao. A base di esey, Gobierno y conseho di minister a tuma e decision pa basha abao e edificio di ex Bushiri y dedik'e na un espacio publico, parke. Bisando esey, DOW tin e tarea awor aki pa traha e documentonan pa destaho publico pa por basha abao e facilidad aki. Croes a sigui splica cu ta den e proceso cu trahando bestek, trahando e reilapport, cu ta wordo traha door di expertonan riba parti di asbest pa ki tipo di materialnan toxico of materialnan peligroso e edificio por contene pa ora bay basha abao por tuma tur medida preventivo, hink'e den e documento di destaho, pa ora e candidato cu ta cumpra e bestek por bisa cu tin cu cumpli cu tur esakinan pa e manera aki ta bay sloop, pa haya un prijs cu por midi y compara cu otronan.

Esey den e proceso ey DOW ta y ta spera cu por entrega e documento aki den fin di si-

man, na comienso di otro siman na Gobierno pa asina duna promocion di dje pa start cu e proceso di destaho.

Rol di DOW

Marlon Croes a splica cu tin un masterplan cu a wordo traha di APA, hunto cu Gobierno, con ta bay reuza e terenonan cu a bin liber di freezone y cu e tereno di APA mes con e ta wordo hinca den otro. E parti di hotel, unda ta bay wordo basha abao, ta espacio publico y e plannan ki ta wordo traha na un manera integral cu ta pega na otro cu no tin conflicto den uzo di dje y e trabao cu ta bay sosode directamente despues di aanbesteding ta e bashamento di e luga abao berdaderamente y di dos ta sigui cu e plan pa e diseñonan con e ta bay muestra y prepara e documentonan di destaho, pa por tene un destaho publico atrobe pa haya un contratista cu lo bay traha e parke e ora.

Lo bay dura

Croes a comenta cu tin un proceso tras di e proyecto aki. E meta grandi ta awor aki ta pa yega na un documento cu por basha e edificio abao mas lihe cu ta posibel.

Contacto cu arkitectonan